

久悶不出因得大患歲餘而死右二驗出真報拾遺

法苑珠林卷第七十

當院比丘清仰書

釋音

蠅 <small>胡典蹙子六</small>	姝 <small>余只鶴徒芳</small>	鵠 <small>鵠戶吳腔</small>
<small>反</small>	<small>反</small>	<small>反</small>
反脾 <small>音毗</small>	刺 <small>其京</small>	剗 <small>魚器</small>
<small>反</small>	<small>反</small>	<small>反</small>
駢 <small>毗忍</small>	盼 <small>扶問</small>	觚 <small>古胡函香</small>
<small>反</small>	<small>反</small>	<small>反</small>
駢 <small>古饒璽斯氏疇</small>	蚘 <small>扶古胡函香</small>	泓 <small>烏宏</small>
<small>反滿碑</small>	<small>反</small>	<small>反</small>
跔 <small>吐刀</small>	尻 <small>苦高</small>	兜 <small>渠容</small>
<small>反</small>	<small>反</small>	<small>反</small>
跔 <small>他鼎胸其俱填他見</small>	𩦑 <small>烏鵲</small>	邛 <small>邛</small>
<small>反</small>	<small>反</small>	<small>反</small>
跔 <small>糸憤繕才各驥</small>	𩦑 <small>丁藍</small>	兜 <small>兜</small>
<small>反</small>	<small>反</small>	<small>反</small>

廿一

平江府長洲縣樂安上鄉盛萬橋北面南居住今寄居常熟縣界支塘陶宅門下奉

佛女弟子高氏三千娘妙真謹發心施財恭入

續砂寺刊大藏法苑珠林第七十卷壹萬壹伯玖拾字每字伍拾文共計舊會伍伯單玖貫伍伯文功德上薦云考高公尊靈超昇

淨土

寶祐元年六月

日文弟子高

妙真謹題

都勸緣大檀越成忠郎趙安國

法苑珠林卷第七十一

大唐上都西明寺沙門釋道壽撰

罪福篇第八十

此謂四諱

欲蓋篇第八十

述意部 業行部 罪行部 福行部

述意部第一 夫善惡相翻明暗相友罪福冥對皎若目前所以惡名俯墜善謂清昇福

是富饒禍爲摧折故知罪惡之法不可弗除

福善之功無宜不造聖教明白昇沉可觀也

業行部第二 述此行名聖說不定所謂罪

行諸經或說名黑黑業及不善業凡夫福行

諸經或說名白白業及以善業名雖種種行

體無殊行體云何如智度論說殺害等是不

善業布施等是善業此則是說罪福二行言殺等者等取十惡齊名罪行言施等者等取事中戒定等業同是世善俱名福行此世善中八禪定者望欲界亂善名不動行若望出世理觀智慧此緣事住則名福行如說六度前五度中所有禪定通亦名福但諸罪福人

行不同或專修福或唯造罪或復有人罪福俱行專修福者所謂淨心爲益他人行施戒等唯造罪者謂無慈潤動身口意皆爲損他罪福俱者謂修福時內心不淨或兼損物此則是其欲界雜業非純淨故亦名不淨若論罪行廉顯可知若論雜業與淨福行有同有異稍隱難知謂諸修福據其外相事中信樂所作皆同若據內心爲自爲他所求各別精

廉不等以諸修福外同內異故有純雜二業不同若能調心慈悲愍物隨所施爲皆成大善若不守念視相修福內麤外細唯成雜業修福時不觀生空我倒常行遍通三性所有作業與倒相應是假取性是故違道以不著心多求世報又多求名故非淨福以此純雜世俗多迷今略偏論令人識行先論雜業後明淨福但諸雜業自有廉細麤者爲惡廉捐他人細者自爲唯求世報先論廉雜若就施

論或有非法取財施者如盜他物以用布施此感來報還常衰耗施已生悔得果亦然故優婆塞經云若人施已生於悔心若劫他財持以布施是人未來雖得財物常耗不集或有爲施兼損他者謂若施時不正念善或生瞋恚或起高慢當墮惡道雖得福報畜中別

朱林圭
卷一
二

受不感人天故分別業報經偈云

修行大布施 急性多瞋怒 不依正憶念後作大龍身 能修大布施 高心陵憚人由斯業行生 大力金翅鳥

若爲修福求世報者如捨財時自求來報或恐身財無常故捨或爲名聞專求自益此非慈悲爲濟貧苦猶如市易非純淨業是以經中名不淨施如百論說爲報施者是名不淨施如市易故報有二種現報者名稱敬愛等後報者後世富貴等名不淨施譬賈客遠到他方雖持雜物多所饒益然非憐愍衆生以自求利故是業不淨布施求報亦復如是以

此證知無實慇懃自求名稱或爲來報縱雖廣施皆非淨業業非淨故得報不精故分別業報經偈云若爲生天施或復求名聞酬恩及望報恐怖故行施獲果不清淨所受多麁澁施行既余戒等諸善不淨同此故百論云不淨持戒者自求樂報若持戒求天上與天女娛樂若人中富貴受五欲樂爲婬欲故如覆相者內欲他色外詐親善是名不淨此外細心不淨持戒如阿難語難陀說偈云

如茲羊相觸朱禁主將前而更却汝爲欲持戒其事亦如是開心專爲益他得福則多又於施境有貧有病或有知法而乏所湏若施令彼得益長善所施有宜獲福則多故賢愚經云佛讚五施得福無量所謂施遠來者遠去者病瘦者於飢餓時施於飲食施知法人如是五施現世獲福此施有宜現獲多福不同求名施非要處雖多割捨不得淨報又隨惠他施者若望諸極廉造不善者是其細罪

亦得名善若望離欲及專爲他此之雜業則是其罪故智度論云麁人有麁罪細人有細罪故此雜業罪福俱行望心非純是不淨業上來明其罪福俱行是其欲界不淨雜業竟若論淨業翻前可知故百論云淨施者若人愛敬利益得福亦多故因果經偈云

若有貧窮人無財可布施見他修施時而生隨喜心隨喜之福報與施等無異又丈夫論偈云悲心施一人功德大如地爲已施一切得報如芥子救一厄難人勝餘一切施衆星雖有光不如一月明若諸凡夫造其罪福不解因果善惡無性是爲迷事取性常繫三有故智度論云譬如蠅無處不著唯不著火燄衆生愛著亦復如是善不善法中皆著乃至非想亦著唯不著般若波羅蜜性空大火以此證知無善惡性常輪五道即當無佛性衆生也此略明凡夫罪福二行迷事取性所依經論竟

罪行部第三　述曰此明聖者就後福行說
有罪行者但此罪行妄見境染執定我人取
著違順便令自他皆成惡業是以經偈云貪
欲不生滅不能令心惱若人有我心及有得
見者是人爲貪欲將入於地獄是故心外雖
無別境稱彼迷情強見起染如夢見境起諸
貪瞋稱彼夢者謂實不虛理實無境唯情妄
見故智度論說如夢中無善事而善無瞋事
而瞋無怖事而怖三界衆生亦復如是無明
眠故不應瞋而瞋等故知心外雖無別境稱
彼迷情妄見起染心外雖無地獄等相惡業
成時妄見受苦如正法念經云閻魔羅人非
朱林七十一

是衆生罪人見之謂是衆生手中執持燄然
鐵鉗彼地獄人惡業既盡命終之後不復見
於閻羅獄卒何以故以彼非是衆生數故如
油炷盡則無有燈業盡亦永不復見於閻
羅獄卒如閻浮提日光既現則無暗冥惡業
盡時閻羅獄卒亦復如是惡眼惡口如衆生

相可畏之色皆悉磨滅如破畫壁盡亦隨滅
惡業盡壁亦復如是不復見於閻羅獄卒可
畏之色以此文證衆生惡業應受苦者自然
無中妄見地獄問曰見地獄者所見獄卒及
虎狼等可使妄見彼地獄處閻羅在中判諸
罪人則有此境云何言無答曰彼見獄主亦
是妄見直是罪人惡業熏心令心變異無中
妄見實無地獄閻羅在中故唯識論云如地
獄中無地獄主而地獄衆生依自然業見地
獄主與種種苦而起心見此是地獄處此是
夜時此是晝時我以惡業故見狗見鳥或見
山壓以此文證善惡薰心令心異見實無地
獄是故心外雖無地獄惡業成時強自妄見
問曰此苦業報既非善事寧不直爾說善令
習何湏稱情說苦業耶答曰善惡因果法湏
相對若不說其貪等是過何由得顯施等是
善若不宣說三塗是苦無由得顯人天等樂是
故湏說凡夫罪行令人識知厭離歸善若鈍

根者聞此苦業生厭離時即求世樂因此轉心修諸福業若利根者聞此苦業生厭離時即求解脫因此轉心能修道觀便於惑中得起出因故經說言一切煩惱皆是佛種故知苦業厭離之本起善之緣是故須說若不說此惡業罪行衆生不識常行不斷雖稱情見說諸過惡然實心外無別業苦唯識無境心體恒淨故經說言雖說貪欲之過而不見法有可貪者雖說瞋恚之過而不見法有可瞋者雖說愚癡之過而知諸法不癡無礙雖示衆生墮三惡道怖畏之苦而不得地獄餓鬼畜生之相以此文證知罪行因果唯心無外行意也

福行部第四

凡愚不解稱情方便湏說業苦向來兩門就其實教說罪體真無別可破以愚未解須定說罪此是別明愚人迷真妄解故湏定說罪行意也

下界名欲界業五道之中皆悉得起先就地獄述者依毗曇說地獄之人亦有三善業即是意地三善根此唯成就非是現行以是難處多不聞法思量趣道故無現行若論生得善根地獄亦有如仙譽國王殺五百婆羅門生地獄中發生信心生甘露國故知現行若依成論亦說地獄有善現行雖無力勸方便起善修獲聖道然有生得善根起善謂諸衆生無始以來曾修世間信進念等未起邪見謗無因果此善不滅生使得之名爲生得善依此善根得起善心若有宿業感緣強者大聖現化令苦止息爲說道法得修方便第二畜生龍等亦有修善如涅槃經佛說義時無量鳥獸發菩提心生於天上若依毗曇鬼畜十善非律儀攝以其身口七善律儀普於一切衆生處起以鬼神不能受故故薩婆多論畜生以癡鈍故不發律儀若依成論鬼神畜等亦有得戒若就人中北單越人唯成意地

三善業道而不現行不斷。善故至劫盡時人皆修禪。彼獨不能離欲。非分自餘三方皆有十善。有不具者。若就欲界六天以論。即無出家別解脫戒。但有十善及在家戒。故成論云。如天帝釋多受八戒。龍等亦受不局在人。若論色界諸天以論。依毗曇生上失下。上界不起下界善業。以其界地因果斷故。身生上界下地法斷。此據有漏在下成上生上失下便不修起。若依成論上得成下。亦得寄起下界善業。如諸梵天見佛禮拜發言讚歎。即是散善。此是寄起欲界善業。若依毗曇毗婆沙論等梵天禮讚。非欲界善。是其初禪威儀心起。據此所依無記。非善據外身口是上色業。此明欲界亂善福業。依身起處竟第二明色界四禪定業。依身起處若鬼畜中值聖強緣能悟道者。亦得修起。以其無漏依禪起故。縱無根本深定正體。必有麤淺未來禪心。此未來禪是色界業。依此未來斷欲結時。此業則招

初禪梵果。若就人天以論修色界業。除北單越無修禪者。自餘三方及欲界天。皆得修起。色界十善。謂得禪者意地有三。所謂無貪無瞋。正見。若論身口七善業者。謂依定心發得禪戒。禪戒則是身口七善。故得禪時有色十善。若就無色諸天以論。依毗曇無色界天不得起色界定業。生上捨下界地斷故。若依成論。凡生無色亦得起下色界中業。此明色界禪定福業。十善業道。依身起處。若論無色四空定業。依身起處。三界人天皆得修起。上來明諸福行。依身起處竟。若論聖人起福。非閑允夫希故。不述。頌曰。

經

朱林七十一

七

尋因途乃異及捨趣猶并。若極思歸樂。樂極苦還生。豈非罪福別。皆由對著情。若斷有漏業常見法身寧。感應緣略引一驗。

唐武德中。遂州總管府記室參軍孔恪。暴病死一日而蘇。自說被收至官所問。何故殺牛兩頭。恪云。不殺官曰汝弟證汝殺。何故不目

因呼恪弟弟死已數年矣既至枷械甚艱官問汝所言兄殺牛盡實弟曰兄前奉使招慰獠賊使其殺牛會之實奉兄命非自殺也恪曰使弟殺牛會是實然國事也恪何有罪焉官曰汝殺會獠以招慰爲功用求官賞以爲己利何云國事也因謂恪弟曰以汝證兄故久留汝兄今既遣殺汝便無罪放任受生言訖弟忽不見亦竟不得言叙官又問恪因何復殺兩鴨恪曰前任縣令殺鴨供官客耳豈格罪耶官曰官客自有料無鴨汝以鴨供之將以美譽非罪如何又問何故復殺鷄郊六枚曰平生不食鷄郊唯憶小年九歲時寒食日母每與六郊因煮食之官曰然欲推罪母也恪曰不敢但說其因耳此自恪殺之也官曰汝殺他命當自受之言訖忽有數十人皆來執恪將出去恪大呼曰官府亦大枉濫官聞之呼還曰何枉濫恪曰生來有罪皆不見遺生來修福皆不見記者豈非濫也官問主司

恪有何福何爲不錄主司對曰福亦皆錄量罪多少若福多罪少先令受福罪多福少先令受罪然恪福少罪多故未論其福官怒曰雖先受罪何不唱福示之命鞭主司一百條忽鞭訖血流灑地既而唱恪生來所修之福亦無遺者官謂恪曰汝應先受罪我更令汝

經朱林七十一八八

歸十日可勤追福因遣人送出將蘇恪大集

僧尼行道懺悔精勤苦行自說其事至七日家人辭決俄而命終臨家兄爲遂府屬故委

之也右一驗出

真報記

欲蓋篇第八十一此有二部

五欲部第一此有四部 欲障部 欲蓋部 欲繫部

欲意部 欲繫部

欲意部第一

竊尋經論行者修道皆玄五欲是障道本若不學斷無由證聖欲知根本略述三種一自內五根二外諸五塵三所生五識由此三故能生染欲故涅槃經云善男子譬言如惡象心未調順有人乘之不隨意去遠離城邑至空曠處不能善攝此五根者亦復如是將人遠

離涅槃城邑至於生死曠野之處善男子譬
如佞目教王作惡五根佞目亦復如是常教
衆生造無量惡言如惡子不受師長父母教
勑則無惡不造不調五根亦復如是不受師
長善言教勑無惡不造善男子凡夫之人不
攝五根常爲地獄畜生餓鬼之所賊害亦如

怨盜害及善人又遺教經云五根賊禍殃及
累世爲害甚重不可不慎是故智者制而不
隨持之如賊假令縱之皆亦不久見其磨滅
也夫論蓋者是蔭覆義謂覆障行者令志性
昏沉定慧不明隱沒善人是修道正障故名
爲蓋故對法論云此蓋能令善品不得顯了

珠林七十一

九

是蓋義覆蔽其心障諸善品令不得轉故名
蓋義前之五欲從外五塵而生此之五蓋從
內五根而發也

欲繫部第二

述曰夫論五欲者既有其根便發五欲繫縛
衆生不得解脫故涅槃經云凡夫之人五欲
所縛今魔波旬自在將去如彼獵師擒拊跡
猴擔負歸家善男子誓言如國王安住己界身
心安樂若至他界則得衆苦一切衆生亦復
如是若能自住於已境界則得安樂若至他
界則遇惡魔受諸苦惱自境界者謂四念處
他境界者謂五欲也五欲者男女身上色聲
香味觸等是也即此五欲希須爲義貪著五

欲障部第三

述曰夫論欲過者謂五欲弊魔六塵惡賊佛
判邪惑迷障佛性故涅槃經云衆生五識雖
非一念然是有漏復是邪倒增長諸漏爲一

一切凡夫取著於色乃至著識以著色故則生貪心生貪心故爲色繫縛乃至爲識之所繫縛以繫縛故則不得免於生老病死憂悲大苦一切煩惱又云若有菩薩自言戒淨雖復不與女人和合言語嘲調聽其音聲然見男子隨逐女時或見女人隨逐男時便生貪著如是菩薩成就欲法毀破淨戒汙辱梵行令戒雜穢不得名爲淨戒具足又智度論云菩薩觀種種不淨於諸衰中女衰最重刀火雷電霹靂然家毒蛇之屬猶可暫近女人慳妬瞋誑妖穢鬪諱貪嫉不可親近何以故女子小人心淺智薄唯欲是親不觀富貴智德名經

朱林十七

聞專行惡破人善根桎梏枷鎖閉繫囹圄雖曰難解猶尚易開女鎖繫人染著根深無可得脫衆病最重如佛偈言寧以熱鐵統轉眼中不以染心邪視女色含笑作姿惰慢著慚廻面攝眼美言妬瞋行步妖穢以惑於人姪羅弥網人皆沒身

坐卧行立廻躬巧媚薄智愚人爲之所醉執劍向敵是猶可勝女賊害人是不可禁蛇含毒猶可手捉女情惑人是不可觸有智之人所不應視若欲觀之當如母姊諦視觀之不淨填積姪火不除爲之燒滅色過既余自餘香味觸等例皆如然一切衆生無始以來永沉生死不能出離者寔是女色繫縛難脫盲無慧眼見生死坑致之階墜今惟道俗不觀欲患向之馳走何日返之得免斯過心恒被染不能暫捨戒尚不存焉有定慧佛性觀哉故涅槃經偈云作惡不即受如乳即成酪猶灰覆火上愚者輕蹈之呵欲部第四

如智度論云行者當呵五欲云哀哉衆生常爲五欲所惱而求之不已將墮大坑得之轉劇如火灸疥五欲無益如狗齒骨五欲增爭如烏競肉五欲燒人如逆風執炬五欲害人如踐惡蛇五欲無實如夢所得五欲不久如

假借須臾世人愚惑貪著五欲至死不捨爲之後世受無量苦此之五欲得須臾樂失時爲大苦如蜜塗刀舐者貪甜不知傷舌其五欲者名爲色聲香味觸此之五事禪家正障若欲修定皆應棄之第一呵色欲過如頻婆娑羅王以色故身入敵國獨在婬女阿梵婆羅房中優填王以色染故截五百仙人手足如是等種種因緣是名呵色欲過失第二呵聲欲過者如聲相不停暫聞即滅愚癡之人不解聲相無常變失故於音聲中妄生好樂於已過之聲念而生著如五百仙人在山中住甄陀羅女於雪山池中浴聞其歌聲即失禪定心醉狂逸不能自持失諸功德後墮惡道有智之人觀聲生滅前後不俱無相及者作如是知則不染著若斯人者諸天音樂尚不能亂何況人聲如是等種種因緣是名呵聲欲過失故論云如五百仙人飛行時聞緊陀羅女歌聲心著狂醉皆失神足一時墮地

如聲聞聞緊陀羅王屯輪摩彈琴歌聲以諸法實相讚佛是時須彌山及諸樹木皆動大迦葉等諸大弟子皆於座上作憚不能自安天鵝菩薩問大迦葉汝最大耆年行於頭陀第一今何故不能制心自安大迦葉答曰我於人天諸欲心不傾動是菩薩無量功德報聲復以智慧變化作聲所不能忍譬如八方風起不能令須彌山動若劫盡時毗藍風至吹湏彌山令如腐草如阿修琴常自出聲隨意而作無人彈者此亦無散心亦無攝心是福德報生故隨意出声法身菩薩亦復如是無所分別亦無散心亦無說法相是無量福智因緣故第三呵香欲過者人謂著香少罪深愛於香開結使門雖復百歲持戒能一時壞之如有阿羅漢常入龍宮食已以鉢授與沙弥令洗鉢中有殘飯數粒沙弥喫之大香食之甚美便作方便入師繩牀下兩手捉繩牀脚其師至時與繩牀俱入龍宮龍言此未得

經

朱卷二

道何以將來師言不覺沙弥得飲食又見龍女身體端正香妙無比心大染著即作惡願我當作福奪此龍處居其宮殿龍言後莫將此沙弥來沙弥遠已一心布施持戒專求所願願早作龍是時遶寺足下水出自知必得作龍遙至師本入處大池邊以袈裟覆頭而入即死變爲大龍福德大故即殺彼龍舉池盡赤未尅之前諸師及僧呵之沙弥言我心已定心相已出將諸衆僧就池觀之如是因緣由著香過復有一比丘在於林中蓮華池邊經行聞蓮華香鼻受心著池神語言汝何以捨彼林下禪靜坐處而偷我香以著香故諸結卧者皆起時更有一人來入池中多取其華掘挽根莖狼藉而去池神默無所言比丘言此人破汝池華汝都無言我但池岸邊行便見呵罵云我偷香池神言世間惡人常在罪垢糞中不淨沒頭我不共語也汝是禪行好人而著此香破汝好事是故呵汝譬言如

白鷺鮮淨而有黑物點汙衆人皆見彼惡人者譬如黑衣以墨點黑人所不見誰問之者如是等種種因緣是名呵香欲過失第四呵味欲過者當自覺悟我但以貪著美味故當受衆苦洋銅灌口噉燒鐵丸若不觀食嗜心堅著墮不淨虫中如一沙弥心常愛酪諸擅

經卷七十一
十一

十三

越餉僧酪時沙弥每得殘分心中愛著樂惠不離命終之後生此殘酪瓶中沙弥師得羅漢僧分酪時語言徐徐莫傷此愛酪沙弥諸人言此是虫何以言愛酪沙弥答言此虫本是我沙弥但坐貪愛殘酪故生此瓶中師得酪分虫在中來師言愛酪人汝何以來即以酪與之復有一國王名曰月分王有太子愛著美味王守園者日送好果園中有一大樹樹上有鳥養子常飛至香山中取好香果以養其子衆子爭之一果墮地守園人晨朝見之奇其非常即送與王王珍此果香色殊異太子見之便索王愛其子即以與之太子食

果得其氣味染心深著日日欲得王即召園人問其所由守園人言此果無種從地得之不知所由來也太子啼泣不食王催責園人仰汝得之園人至得果處見有鳥巢知鳥銜來翳身樹上伺欲取之鳥母來時即奪得果送日日如是鳥母怒之於香山中取毒果其

香味色令似前者園人奪得輸王王與太子食之未久身肉爛壞而死如是等種種因緣是名呵味欲過失第五呵觸欲過者此觸是生結使之因是繫縛心之本何以故餘四情各當分此則遍身染著以其難捨常作重罪

當時世尊爲諸比丘說 本生因緣過去久遠

出時波羅柰國山中有一仙人以仲秋之月於澡盤中小便見鹿麁合會婬心即動精流盤中麁麁飲之即時有身月滿生子形類如人唯頭有一角其足似鹿鹿當產時至仙人菴邊而產見子是人以付仙人而去仙人出時見此鹿子自念本緣知是已兒取已養育

朱井七

古

及其年大勤教學問通十八種大經又學坐禪行四無量心得五神通一時上山值大雨泥滑其足不便躋地破其軍持又傷其足便大瞋恚以軍持盛水呪令不雨仙人福德諸龍鬼神皆爲不雨不雨故五穀五果盡皆不生人民窮乏無復生路波羅柰王憂愁懊惱命諸大官集議兩事明者議言我傳聞仙人山中有一角仙人以足不便故上山因雨躋地傷足瞋呪此雨令十二年不墮王思惟言若十二年不雨我國了矣無復人民王即開募其有能令仙人失五通屬我爲民者當分國半治是國有婬女名曰扇陀端正巨富來應王募女問諸人此是人非人衆言是仙人所生婬女言若是人者我必壞之作是語已即取金盤盛好寶物語王言我當騎此仙人項來婬女即時求五百乘車載五百美女五百鹿車載種種歡喜丸皆以衆藥草和之以娛盡令似雜果及持種種大力美酒色味如

水服樹皮衣行林樹間以像仙人於仙人菴邊作草菴而住一角仙人遊行見之諸女皆出迎迓好華妙香供養仙人仙人大喜諸女以美言敬辭問訊仙人將入房中坐好牀褥與好淨酒以爲淨水與歡喜丸以爲果蓏仙人食飲飽已語諸女言我從生已來初未得如此好果好水諸女言我一心行善故天與我願得此好水好果仙人問諸女言汝以何故膚色肥盛答言我曹食此好果飲此羨水故肥如此女白仙人言汝何以不在此間住答曰亦可住耳女言可共澡洗即亦可之女手柔軟觸之心動便與諸女更平相洗欲心

經 十五 朱林士一

轉生遂成姪事即失神通天爲大雨七日七夜令得歡樂飲食七日以後酒食皆盡繼以山水木果其味不美更索前者答言已盡今當共行去此不遠有可得處仙人言隨意即便共出去城不遠女便在道中卧言我極不能復行仙人言汝不能行者騎我項上當擔

汝去先遣信白玉王可觀我智能王勑嚴駕出而觀之間言何由得爾女白玉王言我以方便力故今已如此無所復能令住城中好供養恭敬之足五所欲拜爲大臣住城少日身轉羸瘦念禪定心樂獸世欲王問仙人汝何不樂身轉羸瘦仙人答王我雖得五欲常自憶念林間閑靜諸仙遊憩不能得去王自思惟若能強違其志爲苦苦極則死本以求除旱患今已得之當復何緣強奪其志即發遣之既還山中精進不久還得五通佛告諸比丘其一角仙人者即我身是也其姪女者今耶輸陀羅是今時以歡喜丸惑我我未斷結爲之所惑今復欲以藥歡喜丸惑我不可得也以是事故知細軟觸法能動仙人何況愚夫如是等種種因緣是名呵觸欲過失如是能呵五欲便除五蓋也

五蓋部第二

問曰云何爲五蓋曰一貪欲蓋二瞋恚蓋三睡眠蓋四掉悔蓋五疑蓋第一貪欲蓋者謂

端坐修禪心生欲覺妄念相續求之不已遂致生患如智度論術婆伽以思王女欲心內發尚能燒身延及天祠况生欲毒熾而不燒諸善法心若著欲無由近道故論偈云入道慚愧人持鉢攝衆生云何縱欲塵沉沒於五情已捨五欲樂棄之而不顧

如何還欲得如愚自食吐諸欲求時苦得時多怖畏失時多熱惱一切無樂處

諸患如是已

則不爲所欺

云何能捨之得福禪定樂第二瞋恚蓋者瞋是失諸

善法之根本隨諸惡道之因緣法樂之怨家

善心之大賊惡口之府藏福惠之刀斧若修

道時思惟此人惱我及惱我親讚歎我怨苦度過去未來亦復如是是爲九惱處故生瞋瞋念覆心故名爲蓋當急弃之無令增長如智度論釋提婆那以偈問佛云

何物殺安隱何物殺無憂何物毒之根
吞滅一切善佛說偈答云

殺瞋即安隱殺瞋即無憂

瞋爲毒之根

瞋滅一切善

如是知已當修慈悲以忍

除滅令心清淨觀聲空假不應起瞋故智度論云菩薩知諸法不生不滅其性皆空若人瞋恚罵詈若打若殺如夢如化觀聲本無唯是風聲從緣而有何須可瞋故論云如人欲

語時口中風名憂陀那還入至牕觸牕響出響出時觸七處起是名語言如偈言

風名優陀那觸牕而上出是風七處觸頂及斷齒脣舌咽及以鉤是中語言生

愚人不解此感著起瞋癡

又優婆塞經云有智之人若遇罵罵當作是

念是罵詈字不一時生初字生時後字未生後字生已初字復滅若不一時云何是罵直是風聲我云何瞋故智度論云菩薩觀衆生雖復百千劫罵詈不生瞋心若百千劫稱讚亦不歡喜了知音聲生滅如夢如響第三睡眠蓋者謂内心昏憒名之爲眠五情暗弊放

朱林七十一

十七

恣支節委卧垂熟名之爲睡此睡眠蓋能破今世後世實樂如此惡法最爲不善何以故餘蓋情覺可除眼如死人無所覺觸以不覺故難可除滅如智度論菩薩教誠睡眠弟子說偈云汝等勿抱死屍卧如得重病箭入身如人被縛將去殺亦如臨陣白刃間結賊不滅害未除眠爲大暗無所見以眠覆心無所見第四掉悔蓋者有三一口掉者謂好喜吟詠諍競是非無益戲論世俗言話等名爲口掉二身掉者謂好喜騎乘馳騁放逸筋骨相撲扼腕拍掌等名爲身掉三心掉者心情放蕩縱意攀緣思惟文藝世間才伎諸惡覺觀等名爲心掉掉之爲法破出家心故智度論偈云汝已剃頭著染衣執持瓦器行乞食

云何樂著戲掉法放逸縱情失法利既無法利又失世樂覺其過已當急棄之所言悔者若掉無悔則不成蓋何以故掉猶在緣中故後欲入定時方悔前所作憂惱覆心故名爲蓋此有二種一者因果掉後生悔如前所說也二者作大重罪人常懷怖畏毒箭入心堅不可拔如智度論偈云

如共毒蛇同室宿余時云何而可眠後世墮惡道若人罪能悔悔已莫復憂如是心安樂不應常念著若有二種悔如是大失安可眠若應作不作不以心悔故不應作而作是則愚人相不作而能作諸惡事已作

不能令不作第五疑蓋者謂以疑覆心故於諸法中不得定心定心無故於佛法中空無所獲如人入於寶山若無有手無所能取寢次通疑甚多未必障定今障定者有三種疑一疑自二疑師三疑法一疑自者而作是念我等諸根暗鈍罪垢深重其非人平作

此自疑定慧不發若欲學法勿當自輕以宿
世善根難測故二疑師者彼人威儀相貌如
是自尚無道何能教我作是疑惻即爲障定
欲除之法如臭皮囊中金以貪金故不可棄
於皮囊行者亦余師雖不清淨亦應生於佛
想三疑法者如世人多執本心於所受法不
能即信敬心受行若生猶豫即法不染心何
以故如智度論偈云

如人在歧道 疑惑無所取 諸法實相中
疑亦復如是 疑故不勤求 諸法之實相
是疑從癡生 惇中之惡者 善不善法中
生死及涅槃 定實真有法 於中莫生疑
汝若懷疑惑 死王獄吏縛 如師子搏鹿
不能得解脫 在世雖有疑 當隨妙善法
譬如觀歧道 利好者應逐

問曰不善法無量無邊何故但捨五法答曰
此五法中名雖似狹義該三毒亦通攝八万
四千諸塵勞門第一貪欲蓋即是貪毒第二

瞋恚蓋即是瞋毒第三睡眠蓋疑蓋即是癡
毒其轉悔一蓋即是等分攝合爲四分煩惱
一中即有二万一千四中合有八万四千諸
塵勞門是故若能除此五蓋即能具捨一切
不善之法譬如負債得脫重病得差如飢餓
人得至豐國如於惡賊之中得自免濟安隱
無患行者亦余除此五蓋其心清淨譬如日
月以五事覆謂煙雲塵霧脩羅手障則不明
了心亦如是合喻可知頌曰 五欲昏神識
五蓋蔽福力 六根成苦集 六賊亂心色
欲浪逐情飄 愛網隨心織 三毒鄆人空
四流漂不息 至金雖改秋 斬籌方未極
法苑珠林卷第七十一

貳眼見反 醉古孝反 故五巧反 藉慈夜反 廣夜也反
 餉齋亮反 廉於牛反 懈烏皓反 禮郎果反 跛傍益反
 贏以成反 輓而充反 軟撫蓋反 奪徒計反 咸老反 張所攝反

都勸緣大檀越成忠郎趙安國

法苑珠林卷第七十二

經二

入唐上都西明寺沙門釋道華撰

四生篇第八十二此有五部 十使篇第八十三

述意部

會名部

相攝部

受生部

五生部

述意部第一

夫行善感樂近趣人天遠成佛果作惡招苦

近獲三塗遠乖聖道愚人不信智者能知故
有四生軀別六趣形分明闇異途昇沉殊路
業緣之理皎然因果之報恒式也

會名部第二 如般若經云一者卵生二者
胎生三者濕生四者化生又阿含口解十二
因緣經云有四種生一腹生者謂人及畜生

胎生二寒熱和合生者謂蟲蟻蚤虱者是三
化生者謂天及地獄四郊生者謂飛鳥魚鼈
又正法念經云畜生無量略說三處一者水
行所謂魚等二者陸行所謂象等三者空行
所謂鳥等或以天眼見諸畜生有四種生何
等爲四一者胎生所謂象馬牛羊之類二者
卵生所謂蛇蠍鶴鷺雞雉衆鳥三者濕生所
謂蚤虱蟻子之類四者化生如長面龍等故
經曰生者新諸根起死者諸受根滅又善見
論云一者色生二者無色生色生可壞無色
生不可壞無色之生依於色生色心相依共
成假者名之爲生使前不感後後不赴前名
之爲死又涅槃經云衆生佛性住五陰中若
住五陰名曰煞生若有殺生即墮惡道依此
生死故有四生依殼而生曰卵含藏而生曰
胎假潤而興曰濕歎然而現曰化衆生所攝
不過此四也 相攝部第三

如婆沙論說云此欲界之中具攝六趣色無